

## **Emikorre Ekuratrira Bakuru b'Entebe ab'Ebyaro hali Entegeka y'Okugabira Abakaikuru Ensimbi eya SAGE Erukusangwa**

### **Ebinyakukwata ha ntegeka y'okugabira abantu ensimbi n'enkora y'Okugabira Abakaikuru Ensimbi**

Obunaku omu Uganda bukeehere muno kuruga omu mwaka gwa 1990, kyonka Abanyayuganda nk'ebicweka 26 ha 100 (26%) bo bakyali omu bunaku bw'amaani muno. Abanyayuganda abandi baingi nabo basobora kuhikwaho ebigererezi ebisobora kubagarra omu bunaku. Abakaikuru nibo bakira kuba n'obuceka habwokuba omubiri tigukyaina maani, ensimbi nyingi ezituruka kubajanjaba kandi baina n'obujunaanizibwa kurolerra enfuuzi n'abaana abandi. Abakaikuru abarukukira obwiringi tibitunga musaara gwona nk'ogwo ogutungwa abakozi abaahuumwire. Omu busumi bwa ira abantu bakuru baatungaga obukoonyezi kusigikira ha mikorre y'abantu b'ekicweka nk'engeso y'ensi. Kyonka, emikorre eyo egezire nehinduka muno habw'okuba enyikara y'abantu nehinduka, ebiikaro biikufooka bibuga n'obunaku bukweyongerera kubuna hoona. Habw'okukora ha nsonga eyo, Minisitire y'Ekikura ky'Abantu, Abakozi n'Enkuraakurana y'Ebyenyikara neija kutandikaho enkora enyakugezesebwa ey'Okugabira Abakaikuru Ensimbi kiri kimu ha bintu ebingi ebinyakuli omu ntegeka y'okugabira abantu ensimbi nukwo beeyombeke (SAGE) kandi ekigendererwa kiri ky'okukeehya obunaku omu bakaikuru n'ab'eka zaabu n'okusobora kumanya empindahinduka ereesirweho, n'okumanyirra enyirukaniza y'omulimo ogu omu ntegeka y'okugabira abantu ensimbi.

### **Ekiikaro kyawe omu nteekaniza etairweho kukora ha SAGE nk'enkora ey'okugabira abantu ensimbi**

Enkora ey'okugabira abantu ensimbi (SAGE) eirukanizibwa Minisitire y'Ekikura ky'Abantu, Abakozi n'Enkuraakurana y'Ebyenyikara kuraba omu gavumenti z'ebicweka. Ha rulengo rw'ibohorra, enkora eyo eirukanizibwa Ofiisa w'Ibohorra Anyakukora ha by'Enkuraakurana omu Kicweka naaraba omu b'Emiruka. Ab'Emiruka nibaija kukoonyerwa Obutebe bw'Emiruka obw'eby'enkuraakurana hamu n'Abakuru b'Entebe ab'Ebyaro. Iwe nka Mukuru w'Entebe ow'Ekyaro noiya kuba n'obujunaanizibwa bwa:

- Okutaahya emirimo y'okusagika SAGE omu mirimo yaawe eya bulikiro.
- Okuba iraka erinyakutwara rundi kutuga amakuru omu bantu b'ekicweka na hali ow'Omuruka.
- Okujugumbya abantu n'okubahikyaho amakuru
- Okulinda n'okutwara omumaiso obugabe bw'abantu abaina obuceke bw'emiringo etali emu n'okwoleka omutima gw'obwesigwa buli kasumi.

### **Obujunaanizibwa bwawe omu kurora oha asemeriire**

Entegeka y'okugabira abantu ensimbi neija kutandika neegezesa enkora zaayo ez'emirundi ebiri: Enkora Okugabira Eka Ezinyakwina Obuceke Ensimbi n'Enkora y'Okugabira Abakaikuru Ensimbi. Kyonka, ekicweka kyawe nikiiya kugoborra omu nkora emu yonka hali ezi – Okugabira Abakaikuru ensimbi. Abantu boona abahikize emyaka 65 n'okugaruka haiguru abamazire haakiri ameezi 6 omu Muruka gwawe nibasemerra kutunga ensimbi omu nkora egi. Okukoma eka nikiiya kukorwa nihakuratrira ebihandiiko bya gavumenti kandi orukarra oruhandiikirwe nirwija kugumibwa Akakurato k'Ekyaro. Iwe nk'omuntu anyakukurra eby'enkuraakurana omu muruka noiya kutwara n'obujunaanizibwa bwa:

## Village Chairperson's Guidelines SCG – Runyuro-Rutooro

- Okwikaliza enkurato z'ekyaro kukebera orukarra rw'abaragoborra.
- Okurora ngu abantu b'ekicweka kyawe nibeetegereza enkora enu kandi nibamanya habwaki abantu nanka nibo bakomerwemu.
- Okurora ngu omanyisize ow'Ibohorra abaana boona abazairwe n'abantu abafiire nooraba hali ow'Omuruka

### Obujunaanizibwa omu kusasura abantu

Abantu abanyakugoborra omu nkora y'okugabira abantu ensimbi nukwo beeyombeke, eya SAGE nibaija kutunga siringi 22,000 buli kwezi. Buli mwaka ensimbi ezo nizijja kwongezebwaho habw'empindahinduka y'emihendo y'ebintu. Kakuba omuntu mukuru anyakugoborra omu nkora y'okugabira abantu bakuru ensimbi afa, abantu b'eka ye nibaija kuheebwa ensimbi z'okubakoonyera kuruga omu ntegeka eyo batatalibanizibwe muno, siringi 88,000. Ensimbi nizijja ziraahabwaga abanyakugoborra omu nkora eyo niziraba omu ofiisi ya MTN ehora ha bya *MobileMoney* omu ibohorra eri. Abanyakugoborra omu ntegeka eyo boona baina obugabe kukoma omuntu ondi kubahirayo ensimbi. Omu kubanza kwa byona abanyakwirukaniza enkora eyo ey'okugaba ensimbi nibaija kugumya omuntu akomerwe kyonka abanyakugoborra omu nkora enu basobora kuhindura abantu aba baakomere kakuba baba bakigondeze. Iwe nka Mukuru w'Entebe omu kyarwo oija kuba n'obujunaanizibwa bwa:

- Okugumya ngu abanyakugoborra omu nkora eyo omu kicweka kyawe bamanyire omulingo basasurwamu n'omuhendo ogu batunga
- Okugumya ngu abagoborra omu nkora eyo bamanyire dihi kandi nkaha ah'okwehandiikisa ow'omuntu wa MTN akora habya *MobileMoney*.
- Okugumya ngu abagoborra omu nkora eyo bamanyire obugabe bwabu.
- Okugumya ngu abakomerwe kwihirayo bataahi baabu ensimbi bamanyire obujunaanizibwa bwabu.
- Okukoonyera omu kujugumbya abantu b'ekicweka beehandikise omu MTN

### Obujunaanizibwa bwawe omu kumara ensonga

Entegeka ya SAGE ey'okugabira abantu ensimbi erubatira ha nkora enyakumanyirwe nka *Service Charter* enyakutaho obugabe bw'abo abanyakwetaba omu ntegeka eyo – otwaliiremu n'obugabe bw'okutontoroma kakuba ebintu biba bigenzire kubi n'okujurra kakuba omuntu aba naagamba ngu obutamuta ha rukarra kikoziwe hataroho bwinganiza. Omuntu anyakukora ha nsonga z'okusasura abantu naija kutwara obujunaanizibwa bw'okuhurra ensonga z'abanyakutontoroma omu by'ensasura kandi azikoleho. Kyonka, kakuba ensonga zinu ziba zitamazirwe, zisobora kutwarwa hali ow'Omuruka – rundi zisobora kutwalirwa kimu ow'ofiisa w'ibohorra akora ha nsonga z'eby'enkuraakurana (CDO). Ofiisa w'ibohorra akora ha nsonga z'eby'enkuraakurana (CDO) atwara obujunaanizibwa bw'okutwara ensonga z'abanyakutontoroma zoonza omu Kakurato ka Disiturikiti akanyakukora ha ntegeka ya SAGE ey'okugabira abantu ensimbi, obu naakikora buli kwezi. Okuhurra ensonga z'okujurra nikijja kukorwa ow'Omuruka. Nka Mukuru w'Entebe ha kyarwo noiya kuba n'obujunaanizibwa bwa:

- Okusomesa abantu ha bugabe obunyakutairweho kusigikira ha kihandiiko kya *SAGE Service Charter*.
- Okwikaliza enkurato hanyuma ya buli meezi ana nukwo abantu b'ekicweka basobole kuhayo okwemurugunya kwabu hali ow'Omuruka.

## Village Chairperson's Guidelines SCG – Runyuro-Rutooro

- Okuhayo ensonga zoonza ez'okujurra kuruga omu kakurato k'ekyaro.
- Okuhandiika ebihanuuro kuruga omu nkurato z'ebyaro.
- Okwijuzza kurungi nkooku kirukwetaagisa foomu z'okujurra n'okusabwa kuteekwa ha rukarra ezimanyirwe nka *Appeals Adjudication and enrolment Request Forms* n'okuzihayo hali ow'Omuruka.
- Okumanyisa abantu kiki ekyacwirwemu ha nsonga z'okwemurugunya

### Obujunaanizibwa bwawe omu kuhondereza enkora

Omulimo gw'okuhondereza enkora ya SAGE ey'okugabira abantu ensimbi nigwija kukorwa ha buli rulengo habw'okurora ngu neeyeyongera kukora kurungi n'okumanya kiki ekikozire na kiki ekitakozire. Iwe nka Mukuru w'Entebe noiija kutwara obujunaanizibwa bwa:

- Okurora ngu abantu b'ekicweka boona nibatwara amakuru ag'okuzaarwa n'okufa kw'omuntu kandi nibakikora omu bwire, n'okwahura kurungi ebihandiiko.

### Obujunaanizibwa bwawe omu Kusomesa

Obusinguzi omu nkora ya SAGE ey'okugabira abantu ensimbi burugirra ha ntegeka nungi etairweho kusomesa abantu ha ndengo zoonza. Iwe nka Mukuru w'eby'Enkuraakurana omu Muruka, noiija kutwara obujunaanizibwa bwa::

- Okukoonyeraho ow'Omuruka omu ntegeka y'okusomesa abantu b'ekyaro kyawe.

### Obujunaanizibwa bwawe omu kutwara amakuru

Ekintu ky'Okugabira Abakaikuru Ensimbi kihyaka omu. Ekyo okitairre ha rubaju, abantu bakuru bagumire kuhika habwokuba mirundi ekukira obwingi baba bantu abatasomere, abaina obulema, bakazi kandi abantu abali kubi kakuba olengesaniza n'abantu abandi kutwarra hamu. Kinu nikimanyisa ngu nikisoboka muno abantu nk'abo obutamanya biki ebirukugenda omumaiso ebikwatiraine n'entegeka eyo, obugabe bwabu n'obujunaanizibwa omu ntegeka eyo, n'okwetegereza kubi ebigendererwa by'entegeka kandi eki kisobora kubaleetera obutahayo biteekerezo byabu ebyakubaire by'omugaso hali abo abairukaniza n'abakora entegeka eyo. Nahabweki, abantu n'eka eziina obuceke ziina kuzonzoorwa zikagendererwa nukwo zihikibweho obutumwa, ebirango n'amakuru omu rulimi oru barukwetegereza. NK'Omuntu Anyakuli ha kakurato k'eby'Enkuraakurana omu muruka, noiija kutwara obujunaanizibwa bwa:

- Okutaahya emirimo y'okumanyisa abantu enkora ya SAGE ey'okugabira abantu ensimbi, omu mirimo yaawe eya bulikiro ey'akakurato akakora hab'y'enkuraakurana.
- Okurora ngu abantu abarukukirrayo kimu kuba baceke omu kicweka kyawe batungire amakuru kandi agahikire ha ntegeka eyo kandi baawamu eky'okukora baina eki bamanyire.
- Okurora ngu abantu b'ekicweka kyawe nibamanya ebintu binu ebikuru ifo:

1. Entegeka y'Okugabira Abakaikuru Ensimbi (SAGE) neegenderra kutaho obulyo bw'okurora ngu basoboire kwehikyaho ebintu ebikuru ebyetaagisa omu bwomeezi

## Village Chairperson's Guidelines SCG – Runyuro-Rutooro

2. Entegeka y'Okugabira Abakaikuru Ensimbi (SAGE) kiri kintu ekya gavumenti erukukora kukwatanizaho n'abandi omu kurolerra abanaku. Tikuli kugamba ngu eki nikiihaho entegeka z'abantu b'ekicweka eza kara ez'okuroterra abantu nk'abo
3. Ab'Entegeka y'Okugabira Abakaikuru Ensimbi (SAGE) nibamanya kandi baina ha mutima emikorre nungi y'Abanyayuganda ey'okuta ekitiinisa n'okukoonyera abantu abaina obuceke – kukira muno abakaikuru, abantu baina obulema n'abaana enfuuzi.
4. Entegeka y'Okugabira Abakaikuru Ensimbi (SAGE) neegenderra kurora ngu abakaikuru n'ab'eka zaabu nibasobora kwehikyaho empeereza omu by'obujanjabi n'enyegesa obunyakusangwa omu kicweka eki.
5. Omu nkora ya *Boona bagagawale* rundi boona baguudahale. Enkora ya SAGE ey'okugabira abantu ensimbi, neegenderra kuha omugisa abantu abasigaire enyuma omu kasumi kanu hali Uganda eteriire orutambo omu by'enkuraakurana. Gunu nugwo mulingo ogusobora kurabwamu kukoonyera abakaikuru kuhika hali eki.
6. Ensimbi eziheebwa abantu tiziba za kubatamu omutima gw'obugara baitu ziba z'okukoonyera abantu abaina obuceka batali nk'abandi kwetandikiraho emirimo kwebeisaho. Gavumenti neegumya ngu abantu abakaikuru nabo basobora kwenyigira omu mirimo erukubagasa kakuba baba batungire obukoonyezi.